

III

129

melancoliam. vñ sint got zu dem flehtwin.  
 der da ut in dem magen. vñ in dem darne.  
 wande si forehent vñ dem magen. vñ vñ  
 den darmen. die chalten vevht die da in  
 ne ist. vñ ovch ander vevht. die daz vieber  
 hant die soln ir niht nemen. *vō dē chornli*

x. xii

**D**ie chornelin sint got. fore daz vergiht.  
 vñ machent die ovgen lofter. vñ sint  
 got fore die wagenden zende. vñ zu den sie  
 chen pylarn. Man sol ir niht nemen in den  
 lip. niewan so daz vergiht veraltent ist.  
 Swer si nemen wil fore den hovptwen od  
 fore den ovgen wen. der sol si zcribē mit  
 weine. od mit ruten sovege. vñ sol sitzen  
 in einen bar. vñ sol si giezzen durch die  
 nasloch in daz hovpt. dar nach sol er daz  
 hovpt nider haben dā die materie vñ get  
 vñ dem hovpt flieze. So daz geschicht.  
 so sol man wasser nemen da papeli inne  
 geloten sint vñ sol ir ziehen durch die nas  
 lvgert in daz hovpt. tāt man des niht so  
 taten si schaden in den naslvgern vñ de  
 in dem hovbet. *vō dē chornlin fore wiv si got sin*